

# “Oku Mei He ‘Otuá ‘a e Ngaahi Me‘a-foaki ko ‘Ení”

Lau ‘a e Tokāteline mo e Ngaahi Fuakava 46:13–26 pea feinga ke ‘ilo‘i ‘a e ngaahi me‘a-foaki fakalaumālie kehekehe ‘oku foaki ‘e he ‘Otuá ki He‘ene fānaú. Ke mahino lelei ange ‘a e founga ‘e lava ke ‘aonga ai ‘a e ngaahi me‘a-foaki ko ‘ení ki he fānaú ‘a e ‘Otuá, fakatauhoa ‘a e veesi takitaha mo e tūkunga totonú.

Ngaahi Me‘a-foaki Fakalaumālie	
1. Tokāteline mo e Ngaahi Fuakava 46:13	A. Lolotonga ‘a e hoko ‘a Mīsela ko e palesitani ‘o ‘ene kalasi ‘i he Kau Finemuí, kuó ne lava ‘o fakatokanga‘i ‘a e ngaahi mālohinga kehekehe ‘o e kau mēmipa ‘o ‘ene kalasi. Kuo tokoni‘i ia ‘e he ‘ilo ko ‘ení ke ne vahe ha ngaahi ngāue ‘e lava ai ‘a e kau mēmipa ‘o ‘ene kalasi ‘o tokoni ‘i ha ngaahi founga ‘oku mahu‘ingamālie.
2. Tokāteline mo e Ngaahi Fuakava 46:14	B. ‘I he fakafanongo ‘a Samanitā ki he fakamo‘oni ‘a e ni‘ihi kehé, ‘oku ‘ikai ke ne fakapapau‘i te ne lava ‘o kau fakataha mo kinautolu ‘o lea pehē ‘okú ne ‘ilo‘i ‘oku mo‘oni ‘a e Siasí. Ka ‘oku fakatupulaki ‘ene tui ki he Fakamo‘uí ‘i he‘ene fanongo ki he‘enau ngaahi fakamo‘oní. ‘Oku ue‘i ia ‘e he tui ko ‘ení ke hokohoko atu ‘ene mo‘ui faivelengá.
3. Tokāteline mo e Ngaahi Fuakava 46:15	C. ‘Oku fakaafe‘i ‘a Lusi ki ha paati. Neongo ‘oku te‘eki ‘oange ‘e ha taha ‘a e fakaikiiki, ka ‘okú ne ongo‘i ta‘e-fiemālie ke ‘alu ki ai. Na‘e ‘ikai ke ne tali ‘a e fakaafé ‘i he loto-faka‘apa‘apa, pea neongo ‘oku faingata‘a, ka ‘okú ne ongo‘i ‘okú ne fai ‘a e me‘a totonú.
4. Tokāteline mo e Ngaahi Fuakava 46:16	D. Na‘e tokoni‘i ‘e he ‘Eikí ha kau palōfita tokolahi ke nau tomu‘a fakahā ‘a e ngaahi me‘a ‘e hoko ‘i he kaha‘ú, kau ai ‘a e ngāue fakafaifekau ‘a Sīsū Kalaisí (vakai, ‘Īsaia 7:14; 1 Nīfai 11:27–28; Mōsaia 3:5–10).
5. Tokāteline mo e Ngaahi Fuakava 46:17–18	E. ‘I he feinga ko ia ‘a Lōpeti ke mo‘ui ‘aki ‘a e ongoongoleleí, lotu ma‘u pē, mo ako ‘a e folofolá, kuó ne ‘ilo ai ko Sīsū Kalaisi ‘a hono Fakamo‘uí.
6. Tokāteline mo e Ngaahi Fuakava 46:19–20	F. Na‘e faingata‘a kia ‘Eletā Vasikuesi mo ‘Eletā Koka ‘a e ngāue fakafaifekau. Ka neongo ia, ‘okú na fakapapau ke ngāue ‘i he tui kia Sīsū Kalaisí. ‘I he fakalau ‘a e taimí, ‘oku kamata ke na mamata ki hono fakamolū ‘o e ngaahi lotó pea hoko ha ngaahi mana ‘i he mo‘ui ‘a e kakai ‘okú na ako‘í.
7. Tokāteline mo e Ngaahi Fuakava 46:21	G. ‘I he taimi ‘oku puke ai ‘a Ma‘aké, ‘okú ne ‘ilo‘i te ne lava ‘o kole ki he‘ene tamaf ha tāpuaki lakanga fakataula‘eiki. Kuo tu‘o lahi hono ‘omi ‘e he ngaahi tāpuakí ni ha nonga mo ha mālohi lahi ange kiate ia.
8. Tokāteline mo e Ngaahi Fuakava 46:22	H. Kuo hanga ‘e ha fakamatala ‘i he mītia fakasōsialé ‘o fakatupu ha taha ‘o e ngaahi kaungāme‘a ‘o ‘Ālisí ke ne fakafehu‘ia ‘ene tuí. ‘I he taimi na‘á ne vahevahe ai ‘a e fakamatalá mo ‘Ālisí, na‘á ne fakatokanga‘i na‘e ‘ikai ma‘u ‘a e fakamatalá mei he ‘Otuá.
9. Tokāteline mo e Ngaahi Fuakava 46:23	I. Na‘e kole kia Siuti ke ne ako‘i ‘ene kalasi ‘i he Kau Finemuí. ‘I he‘ene fekumi ki he tokoni ‘a e Tamai Hēvaní, na‘á ne ongo‘i na‘e tatakí ia ‘i he‘ene teuteú pea lava ke ne ako‘i ha lēsoni langaki mo‘ui.
10. Tokāteline mo e Ngaahi Fuakava 46:24–25	J. Kuo uiui‘i ‘a Sisitā ‘Elikisoni ke ngāue fakafaifekau ‘i ha fonua kehe. ‘I he‘ene fekumi ki he tokoni ‘a e ‘Otuá mo feinga ke ako ‘a e lea fakafonua, ‘okú ne fakatokanga‘i ‘oku lava ke mahino kiate ia ‘a e ni‘ihi kehé mo vahevahe mālohi ‘ene fakamo‘oní.